

Uunga siunnersuut: Akileraaruserinermik ingerlatsineq pillugu Inatsisartut inatsisaata allanngortinneqarnera pillugu Inatsisartut inatsisaannut nr. xx, xx. xx 2016-imeersumut siunnersuut

(Nammineerluni nalunaarsuinissamut piffissarititaasumik, kiisalu nunani allani akileraartarnermi oqartussaasunut paasissutissanik tunniussisarnerit pillugit ilisimatitsisussaataaneq, taamatullu aningaaserivimmi kontumik tunniussisussaataaneq aammalu soraarnerussutisianut tunngasunik paasissutissanik nalunaarsuineq pillugit allannguneq)

§ 1

Akileraaruserinermik ingerlatsineq pillugu Inatsisartut inatsisaanni nr. 11, 2. november 2006-imeersumi, Inatsisartut inatsisaatigut nr. 12, 15. november 2007-meersukkut, aamma Inatsisartut inatsisaatigut nr. 2, 18. maj 2010-meersukkut, kiisalu Inatsisartut inatsisaatigut nr. 9, 8. juni 2014-imi kingullermillu Inatsisartut inatsisaatigut nr. 8, 6. juni 2016-ikkut allanngortinneqartumi makku allannguutigitinneqassapput:

1. § 3, imm. 3-mi oqaaseqatigiit 1 imatut oqaasertaqassaaq:

”Skatterådip ilaasortai arfinillit taakkualu tamarmik immikkut sinniisussaat SIK-p, AK-p, GE-p, NUSUKA-p, KNAPK-p aamma kommunit peqatigiillutik inassuteqareernerisigut Naalakkersuisunit toqqarneqartarput.”

2. § 16, imm. 3 ima oqaasertaqassaaq:

”Imm. 3. Nammineerluni nalunaarsuiffik akileraruseriffimmut nassiunneqassaaq ukiumi ukiup aningaasarsiorfiup tulliani, kingusinnerpaamillu:

1) kinguliani nr. 2-mi 3-milu pineqanngitsuni tamatigut 1. maj:

2) namminersorluni inuussutissarsiummik ingerlataqartunit, akileraaruseriffiup ilitersuinera malillugu qarasaasiaq atorlugu nammineerluni nalunaarsuiffimmik nalunaarutiginnittut 15. maj,

3) piginneqatigiiffiit, peqatigiiffiit il.il., akileraaruseriffiup ilitersuinera malillugu qarasaasiaq atorlugu nammineerluni nalunaarsuiffimmik nalunaarutiginnittut 15. juni.

3. § 16, imm. 3-p kingorna imm. 4 nutaatut ilanngunneqassaaq:

Imm. 4. Namminersorluni inuussutissarsiummik ingerlataqartut, piginneqatigiiffiit peqatigiiffiillu imm. 3, nr. 2-mi 3-milu pineqartut, ukiup aningaasarsiorfiup siuliani akileraruseriffimmit missingersuinikkut akilerarutissaminnik angissusiliiffigineqartut nammineerluni nalunaarsuiffimmik nassiussinissamut piffissaraat ulloq 1. maj.”

Imm. 4-miit 6-imut matuma kingorna tassaalerput imm. 5-imiit 7-imut.

4. § 16, imm. 4-mi, imm. 5-inngortumi, oqaaseqatigiit aappaat ima oqaasertaqassaaq:

”Nammineerluni nalunaarsuiffimmik nassiussinissamik kinguartitsiniarluni qinnuteqaat tungavilersugaassaaq, kingusinnerpaamillu ullormi nammineerluni nalunaarsuiffiup nassiunneqarfissaani tunniunneqarsimassalluni, tak. imm. 3-miit 4-mut.”

5. § 30, imm. 1, nr. 3, atorunnaarsinneqarpoq.

§ 30, imm. 1, nr. 4-miit 6-imut tassaalerput § 30, imm. 1, nr. 3-miit 5-imut.

6. § 30-p kingornagut ilanngunneqassaaq:

”§ 30 a. Suliffeqarfiutiminni kinaluunniit, Ani-ngaasarsianit akileraarutit pillugit Inatsisartut inatsisaanni § 75, imm. 1-imi 2-milu taaneqartunik akissarsisitsisoq, sulisunut ataasiakkaanut tunngatillugu soraarnerussutisiaqarnissamut ima-luunniit inuunermut sillimmasiineramik aaq-qissuussinermut akiliutigineqartut ukiut tamaasa januarip qaammataa naatinnagu tamakkerlugit nalunaarutigisassavaat. Tamatuma saniatigut akileraa-rutit A-t akiliutigineqartumit unerartinneqartut nalunaarutigineqassapput, akiliutigineqartoq soraarnerussutisiaqarnissamut imaluunniit inuunermut sillimmasiineramik aaq-qissuussinermut tunngassuteqanngippat, Aningaa-sarsianit akile-raarutit pillugit Inatsisartut inatsisaanni § 41, imm. 2 naapertorlugu sulisup aningaasarsiaanut akileraaruteqaataasussanut ilanngunneqartussaangipata.

7. § 34-p kingornagut ilanngunneqassaaq:

”§ 34 a. Akileraaruseriffiup paasisutissat § 30 a naapertorlugu nalunaarutigineqartut nalunaarsussavai.

Imm. 2. Inuup soraarnerussutisiaqarnissamut inuunermulluunniit sillimmasiineramik aaq-qissuussinernut § 39 a, imm. 2-mi piumasaaqatinik naammassinnittunut akiliutai pillugit paasisutissat Akileraaruseriffiup nalunaarsorsinnaavai qinnuigineqaruni, inuup aningaasarsiaasa akileraaruteqaataasussat naatsorsorneranni akiliutiminik Danmarkimi, Savalimmiumi imaluunniit Kalaallit Nunaanni tamakkiisumik ilaannakuusumilluunniit ilanngaateqartinneqarsimannginnera uppersarnerqarpat.

Imm. 3. Naalakkersuisut nalunaarsuiffik, matumani aamma qarasaasiat atorlugit nalunaaruteqartarneq pillugu, paasisutissanik nalunaarsorneqarsimasunik ingerlatitseqqittarneq il.il. pillugit maleruagassat sukumiinerusut aalajangersarsinnaavaat

8. § 35a-mi imm. 7 aamma 8 nutaatut ilanngunneqassapput:

”*Imm. 7.* Inuk maleruagassat imm. 1 aamma 2 naapertorlugit atuutilersinneqarsimasut malilugit nalunaarutigineqartussaq, paasisutissat isumannaatsuunissaat unioqqutinneqarpat pineqartoq pillugu paasisutissanut tunngatillugu ilisimatinneqassaaq, unioqqutsitsinerup inuk pineqartoq taassumaluunniit inuttut inuunera pillugu paasisutissat illersugaanerannik akornu-siisinnaanera ilimanaateqarpat.

Imm. 8. Maleruagassat imm. 1 aamma 2 naapertorlugit atuutilersinneqarsimasut malillugit inuit nalunaarutigineqartussat, pineqartut pillugit paasissutissat maleruagassat imm. 1-imiit 6- imut naapertorlugit atuutilersinneqarsimasut malillugit katersorneqarlutillu ingerlateqqinneqarnissaat pillugu tamaasa immikkut Aningaasaqarnikkut ingerlatisiviit nalunaaruteqartussaa-titaasut ilisimatissavai, paasissutissanillu inunnut paasissutissat pillugit inatsimmi § 28 § 29-lu naapertorlugit pisinnaasaannik tamanik tunissallugit, taamaalilluni inuk paasissutissat illersor-neqarnissaat pillugu pisinnaatitaaffini malillugit iliuuseqarnissamut naammattumik piffissa-qaqqullugu, tamannalu tamatigut pisassaaq aningaasaqarnikkut ingerlatsiviup pineqartoq pil-lugu paasissutissanik akileraaruseriffimmut nalunaaruteqannginnerani.”

9. § 41 imm. 1-imi ”KANUKOKA” ”kommuninut” allanngorneqassaaq.

10. § 46-p kingorna ilanngunneqassaaq:

” § 46 a. Akileraarutaavallaartunik, ernianik, ajunngitsorsiassanik assigisaannilluunniit aki-liinermi danskit koruuniinik, akileraartartup kontomut innersuussamut aningaaserivimmiittumut pisarpoq. Taaneqartutut akile-raartartoq nammineq nalunaarsuinikkut, utertoornissamut qinnuteqarnikkut imaluunniit ki-ngusinnerusukkut kontomik innersuussisinnaavoq. Kontomut innersuunneqartumut akiliiner-mi akileraartarnermut ingerlatsivik akisussaasuujunnaartarpoq.

Imm. 2. Kontomik aningaaserivimmi Danmarkimi, Savalimmiuni imaluunniit Kalaallit Nunaanniinngitsumi innersuussisoqarsimappat, akiliinermut atatillugu aningaasartuutaanerusunik aningaasanit ilanngaasoqarsinnaavoq. Aningaasat nuutassat aningaasartuutinit ikinneruppata, akileraartarnermut ingerlatsiviup aningaasat kontomut innersuussamut ikinngitsuuinnarsinnaavai. Kontonut bankini Danmarkimiinngitsuni, Savalimmiuniinngitsuni imaluunniit Kalaallit Nunaanniinngitsuni akiliinerit piffissaq eqqorlugu akiliinertut isigineqartassapput, aamma tiguisussap nunami akiliinerit assigisaasa kinguneranniluunniit tigugaluarpagit, ulloq taanna kontonut Kalaallit Nunaanniittunut akiliinermi assiganik sullinneqarsimappata, taakkulu Kalaallit Nunaanniittut piffissaq eqqorlugu aningaasat tiguppatigit.

Imm. 3. Akileraartartoq siusinnerusukkut kontomik innersuussisimappat, akileraartarnermut ingerlatsiviup akileraartartumut nammineerluni nalunaarsuiffissakkut allakkakkulluunniit na-lunaarutininik allanik nassiussamigut oqaatigisinnaavaa, akileraarutaavallaartut kontomut sumut ikineqassanersut, akileraartartoq kontomik allamik innersuussinngippat. Akileraartartoq kon-tomik allamik innersuussinngippat, nammineerluni nalunaarsuiffissami il.il. kontomut taane-qartumut ikineqassapput, tamatumuunalu akileraartarnermut ingerlatsivik akisussaafferutissal-luni.

Imm. 4. Akileraartarnermut ingerlatsiviup akileraarutaavallaartut il.il. imm. 1-imi imaluun-niit 2-mi taaneqartutut kontomut akilersinnaangippagit, akileraartarnermut ingerlatsiviup ul-loq akiliisinnaaffianit, akileraartartumut ernialersuisoqassanngilaq.

Imm. 5. Akileraartarnermut ingerlatsiviup akiliisussaafianit ukiut 5 qaangiuppata, akileraar-tarnermut ingerlatsivik imm. 1- 3-mi taaneqartutut kontomut sulii akiliisin-naangippat,

akileraartartup akileraarutaavallaartunik, ernianik, ajunngitsorsiassanik assigi-saanilluunniit piunasaqarsinnaanini annaassavaa. Piunasaqaataasinnaasut uuma siuliani taa-neqartut piunasaqaataasinnaajunnaartut Nunatta karsianut ikineqassapput.”

§ 2

Inatsisartut inatsisaat 2017-mi januaarip 1-ani atuutilerpoq.

Imm. 2. Inatsisartulli inatsisaata § 1-ata, nr. 5-niit 7-anut aatsaat 2018-mi januaarip 1-ani atuutilissapput.

Namminersorlutik Oqartussat, 2016-mi xx.xx

Kim Kielsen